



Generasjon nummer 4 med ponnier

**Arnardo er denne gongen 2 dagar på Rabben og trakk berre omtrent halvfullt telt i kveld. Truleg kjem det langt fleire i morgon kveld slik at Uskedalen sitt ry som ein framifrå sirkus-stad blir oppretthalde. Sjølv om vi har sett betre Arnardo-framsyningar er også denne høgst severdig for både unge og eldre. Og for å sitera ein av den siste kategori: Ein blir aldri for gamal til å gå på sirkus. Laurdagsframsyninga startar allereie klokka 16.**



Det var ein elefant og 4 kamelar denne gongen

Hvis ein skal køyre ei lita rankingliste vil vi faktisk plassera dei musikalske klovnerne Sterzas først. Vi kunne gjerne ha sett meir til dei gjennom heile framsyninga og ikkje så sterkt konsentrert om eitt nummer, for dei var hikstande festlege.



Duo Peris utfordra sentrifugalkrafta, her også med amatørartist i nummeret

Første del var litt tam samanlikna med andre del sjølv om nummer som såpeboblepoesien til Diana var betagande og annleis og Duo Peris utfordra sentrifugalkrafta sterkt.

Innslaget av dyr var denne gongen akkurat stort nok, med ein elefant, 4 kamelar og diverse hundar.

Vi likte best Duo Serjos kraftfulle nummer i andre delen - nest etter klovneria.

Familien Arnardo gjer seg sterkt gjeldande i år og 4. generasjon som heiter Arne Otto Luigi Folco Arnardo og er 2 år var eit sjarmerade bekjentskap sjølv om han har mykje å læra.

Og det er jo eit faktum at uansett kor mykje familiemedlemmene lærer kjem dei aldri i nærleiken av meistaren sjølv som hadde ei utruleg spennvidde og ein evne til å presentera numra sine som var tvilsam terapi for folk med frynsenervar. Vi har vore vitne til så mangt i den leia.

Tekst og foto: Ola Matti Mathisen



Diana i ringtrapes